


種蕉聽雨軒詩鈔




種蕉聽雨軒詩鈔



南皮制葛之尊

子周



歸田草

大理石鏡 王寅

奇峯突兀絕躋攀何日飛來落座間一幅天然好
圖畫迷離煙雨米家山

種馬蘭

苔痕草色翠交加點綴山林處土家不許牆陰留

種蕉聽雨軒詩鈔 卷五 歸田草

隙地呼僮補種馬蘭花

離騷一卷靜中披香草美人繫我思九畹有蘭遠

莫致東施權使作西施

時疫歎

朝未病暮已死石火電光有如此暮未死朝已埋
青蠅不及作弔來大邨死者以百數小邨三三或
五五貧家藁葬富薄棺僅免遺骸果大腹我欲一
哭故人墳不知何處葬者君行行田畔遇村老皆

以新墳無青草遙見數塚起平野問來都是初葬
者老少同此土一堆昨宵雨溼紙錢灰新鬼漸比
故鬼多生人寥落可如何爲生爲殺天所司忍使
下民無子遺癘疫流行會當止佇見遠邨近邨病
者霍然起

雨夜偶成

斗室空無物孤燈倚壁明醒來當夜半坐久覺秋
生華月雲中吐殘雷雨後鳴門前一溪水想與小

種蕉聽雨軒詩鈔

卷五 歸田草

二

橋平

擬歸愚生秋詩卽用其韻

何處生秋早秋生雨霽中藤蘿深院月楊柳隔牆
風一夢羲皇古百憂冰雪融蠹魚堪我伴偃卧亂

書叢

哭從孫玉豐

吾族此翹楚青雲志未伸有才疑損福沒世竟長
貧老屋支秋雨遺編委敗塵何時能卜葬念爾最

傷神

疑是興宗者天胡靳爾年劇憐兒女小尙賴弟兄
賢落寞塵生甑辛勤硯作田書香能續否齋恨到
重泉

書曹子建集後

皓齒明眸狀洛神一如幽怨寫靈均世人不解賢
王意豔說陳思賦感甄

鄉試借河南闈寒士爲之裹足感賦一絕

種菴蠶雨軒詩鈔

卷五

歸田草

三

南天夜夜現文光路指中州歎阻長爲問吾鄉諸
學侶幾人辛苦踏槐黃

幽居遣興

陡覺西風急重簾不欲開墨良宜硯性益小負花
才古帙五千卷新茶三兩杯孤芳還自賞詔徑有
誰來

閩山左題名錄

淡墨書名辨不真迢迢一紙託鴻鱗何期昔日從

游者同步蟾宮有九人高密在祖瀾濰縣陳嘉實

歷城賈廷琛齊河郝鳳章利津李
歷城黃成霖濰縣王壽彭
渾宸新城于文鏞蓬萊孫丹黻

東海遙遙門第高文章分得鳳凰毛朱寒八十神

仙叟詩興今朝應更豪第五名徐君世塔其尊人
為桐岩茂才即以八十八

泮者余贈朱寒社徐叟詩有
子亦詩人句即謂世塔昆仲

慰友人落第

駿價千金自有真驂駟豈久困風塵試看今日彈

冠客多是前年下第人

種蕉聽雨軒詩鈔 卷五 歸田草 四

自題六十一歲小像七十二韻用二十
五有韻

我生歲壬寅游庠歲癸丑毛羽苦未豐數飛學戲

穀誨我有名師助我有良友師友期望殷捫心呼

負負所學迄無成汲汲謀升斗司訓古方城歷年

且入九六載直西曹素餐顏滋厚乞令如青齊一

握銅符鈕下考書陽城拂袖歸田畝懶栽潘岳花

學種陶潛柳先隴補松楸閒園樹栲杻小築屋數

椽舊規更甕牖茶竈與酒厨家具稱少有室人解

治生黽勉操井臼雖乏廡下風卻異河東吼兩人
百二十白髮此嘉耦率婦理機絲督兒鋤稂莠食
指漸以繁麤粒飽梁煖情話悅親戚伯叔雜甥舅
劇飲略儀文瓦盆盛白醖命庖具雞豚呼僮翦菘
韭不學古名流調冰更雪藕家有數卷書名山愧
二酉廣搜漢唐碑上焉湖岫樓吉金亦間收丁尊
復癸尙旁逮晉時甄以及秦人乍有時還自吟掃
愁詩爲帶不惜災棗梨遑恤覆醬甌問字有客來
種蔗聽雨軒詩鈔

卷五

歸田草

五

奇文辨蝌蚪古人不復作疑義誰與剖無如著錄
家論說多紛糾往往已見持彼此互擊培學者貴
虛心慎勿積習狃吾將老書叢循循諸孫誘雙扉
肩白雲不開任人扣樂天復奚疑素履其无咎何
必羨達官皇華歌四牡何必慕浮榮金章拖紫綬
有客工寫真祕傳泰西受一鏡啟險中萬象憑攝
取渲染謝丹青墨光洗深黝人各肖其天不容纖
毫苟能使披圖人一見識爲某吾亦圖厥形吾形

於焉壽南向坐者余頽然一老叟齒豁而頭童面
目抑何醜自是山澤臞難廁衣冠戴一旦現全身
對之心生忸更有兒孫行羅列如培塿一叟介其
中巋然成大阜仲子侍我旁隱隱開笑口季子立
西偏束帶佩瓊玖讓孫年垂髻雁行此稱首有如
指十枚將指謂之拇身小衣則長新濯無塵垢竦
立手並垂不使稍抖擻諒孫勢欻斜時方拳一肘
雙袖致參差恰似袂短右訪孫貪戲嬉意欲脫而
走小立屢動搖余時撫以手誨孫未兩週含飴勞
大母乳媪適抱之遙遙窺於後側弁儼星如一顆
瑩然琇致令畫圖中幻出一村婦世態等浮雲白
衣倏蒼狗後此數十年情事能知否遙想圖中人
黃口變黃耆瓜瓞胡以懸積善乃可久所望吾子
孫故物青甌守德功言三者立焉斯不朽一圖何
重輕寄興一時偶圖成系以詩滿引深杯酒
繪影繪聲如畫如話未悉我公之生平不知其

筆之長於敘事未覩此圖之面貌不知其筆之
善於寫生 姪述倫讀

寒夜

一夜朔風號千林捲怒濤更深鑪火燼月落柝聲
高老屋荒雞噤空庭凍犬嗥何堪遠行客霜雪拂
征袍

高閩岑先生故硯

片石流傳直到今百年俯仰感人琴先生遺硯休

種菴聽雨軒詩鈔

卷五

歸田草

七

輕拭珍重當年抗疏心

先生爲嘉慶翰林在諫垣有直聲此硯其常用者也

同治初先生季子梧軒
齋尹持以贈余

戒詩年餘今秋忽大作賦此自嘲

筆硯焚餘迹未陳無端又作苦吟身書生結習渾

難去馮婦詩中今有人

曲徑深深掩薜蘿閒中無計遣詩魔前身定許寒

蛩是一到秋時吟便多

釣得詩成酒作鈎陶然人在醉鄉遊老夫不嗜杯

中物惟有新茶三兩甌

閉門學坐靜中禪吟到濃時百慮捐多少新詩刊
未就老妻分與買花錢

雪後作

獨得靜中趣荒齋冷似僧茶烹銅鼎雪墨蘸玉壺
冰竹瓦躍晴雀紙窗敲凍蠅南簷堪負曝閒倚一
枝藤

跋劉文清書昌黎詩巨幅

種蕉聽雨軒詩鈔

卷五

歸田草

八

肥重紛紛羨墨豬誰從僞本認真如龍跳虎卧神
光迴知是先生得意書

此幅乃得之燕庭方伯家
者款爲嘉慶壬戌書與從

孫喜
海

跋海剛峯草書楹聯

片羽吉光彌足珍前朝翠墨尙如新先生手蹟人

間少讓鼎誰能辨贗真

先生字汝
賢諡忠介

跋文清書尊經閣記十二巨幅

如對鼎彝三代前蒼然古色洗華鉛興來一仿元

人筆宛似吳興趙集賢

此十二幅不甚類
公書然絕非贗本

跋文清陰隲文小楷冊字

婆娑白髮足風流兩樹荆花互唱酬故與阿兄矜

目力晴窗細字寫蠅頭

此冊乃為其從兄
松庵方伯書者

跋荔青軒墨刻

內有方望溪侍
郎草書一冊

古文宗派溯桐城大草未聞學伯英不是荔青留

妙墨先生誰信有書名

跋魏高慶碑

石在德
州學宮

種蕉聽雨軒詩鈔

卷五 歸田草

九

玉魚金盃闕山邱誰識貞侯與懿侯賴有蒼茫石

一片高家兄弟各千秋

高慶碑後高貞碑出
土慶貞侯貞懿侯

讀性理精義有感

道統遙遙接古初熙朝性理勒成書先儒警欬恍

如昨忍使殘編飽蠹魚

戲書梁茵隣中丞制藝業話後

叢話一編部類區先生掇輯費工夫不知近日芸

窗客尚有閒情一閱無

映雪囊螢年復年文章百鍊比金堅誰知到此全
無用敲得門開別有轍

與友人夜話

冬夜長如此幽居興不孤敲詩人翦燭試茗客圍
鑪散步遲明月貪眠任小奴中庭疑有雪滿地曠
霜鋪

冬日遣懷

自作田間叟無心與世通詩因題畫富囊爲買書

種德羅雨軒詩鈔

卷五 歸田草

十

空布被裝新絮園蔬薦晚菘飯餘一掘管暖日小
窗烘

偶檢藏書有感

斗室蕭條意自如年年閉戶注蟲魚家中不是藏
書少海外誰知更有書

客來

夜擁重衾尙覺寒醒餘紅日已三竿客來莫怪相
迎晚恰有新詩寫未完

曉夢

曉夢醒餘布被温匆匆一飯又黃昏老夫誰道無
工課除卻吟詩卽弄孫

戲詠洞賓戲牡丹事

坊間小說太荒唐說到牡丹興欲狂不辨洞賓人
是兩錯將軼事屬純陽

神仙游戲幻非真往籍流傳兩洞賓呂在唐朝顏

在宋當年同是道中人

戲牡丹者宋之顏洞賓非唐之呂洞賓也翟氏晴川

種蕉聽雨軒詩鈔

卷五

歸田草

十一

通俗編辨之甚詳

夜坐

坐到更殘候鑪煙篆欲沈虛窗搖燭影亂柝碎詩
心者眼觀書倦前遊入夢尋雞聲三四唱空響答

遙林

寄張甥荊州

湖山雖好是他鄉遊子離家已七霜堂上白頭人
健在夢魂夜夜繞荆陽

喜榮華莠孝廉來

風雨編摩屋一椽
芸窗共墨有錯鉉
何堪往事重

回首草草光陰三十年

孝廉仲兄德庵進士並從余遊

今日誰將古調彈
茫茫欲覓賞音難
客來不作寒暄語
忙取新詩與共看

客去

曉窗人乍起
客去已多時
宿煖餘鑪火
新冰結硯池
靜尋初醒夢
懶續未成詩
枯坐無情緒
階前日

種蕉聽雨軒詩鈔

卷五 歸田草

十一

影移

書齊竿草後

小窗獨坐意蕭閒
一讀前詩一汗顏
付梓當年何草草
篇中疵類未曾刪

推敲原未費功夫
慙愧昔年膽太麤
試取新詩與比較
故吾終竟遜今吾

少年書記各翩翩
爭羨香生幕底蓮
今日相思隔遠道
空教引領望南天

時從游二三子爲余司筆札兼訂詩稿

答友人

古音久沈寂新聲繁管弦我非識曲者抱琴聽流泉

賢如端木子欲去告朔羊一羊不足惜羊亡禮與亡

周禮王荆公魯論趙中令終是讀書人不敢非先聖

秦人不知書國未失富強火之亦快事壯哉秦始

種蕉聽雨軒詩鈔

卷五 歸田草

七

皇

天地生萬物物類有各殊烏得戕其性斷鶴而續鳧

學以專家貴雜焉則弗純一身通六藝孔門曾幾人

廟庭久從祀一朝或罷之蓋棺論未定况乃生存時

曠世發狂歌唾壺擊欲碎願君毋多言息此三尺

喙

焚香

几淨窗明地鑪煙一縷
縈護將殘夢穩沁入小詩
清供我鼻功德悠然心太平
梅花香幾許願去不
分明

何治園孝廉以紙索書賦此奉答

一話春明別愬幾閣春雪
牋山客寄風味故人

真笑我書無法輸君筆有
神相思不相見清夢繞

種菴霏雨軒詩鈔

卷五 歸田草

古

臨津

君時主
講甯津

憶人

黃鶴樓邊去光陰七載餘
夢痕尋杜牧琴語譯相
如南國客彈欽北堂人倚
閭故園風味好休戀武
昌魚

夜半

夜半聳詩肩空齋涼似水
狂歌鄰犬驚隔牆吠不
止

輓賤民先生

不解周旋只解詩，孤松落落歲寒姿。他年隱逸儒林傳，位置知從何處宜。

挽棠湖先生

生死書叢一蠹魚，先生清節著鄉閭。不知四海茫茫裏，尙有幾人講六書。

書湯紹卿大令出山草譜後

臆說皆治譜，心躋汪龍莊。一卷出山草，下上與頡

種蕉聽雨軒詩鈔

卷五

歸田草

五

頡

風
余昔客甌海，適君宰浙東。一別竟千古，穆如緬清

有感

四顧無端發浩歌，百年身世總銷磨。恨如雨後春潮長，愁比庭前落葉多。填海欲銜精衛石，回天最憶魯陽戈。河清莫俟人將老，獨立臨風喚奈何。

俚言

意氣毋驕盈器滿有必溢義父悔吝多惟謙六爻
吉

縱口談香閨不惜污貞潔地獄有泥犁正爲若輩
設

齒頰存忠厚語言戒尖新世間儂薄子誰是載福
人

善惡報無爽其理固如斯非謂幽冥中果有神鬼

司

種德靈雨軒詩鈔

卷五 歸田草

七

不見沒字碑語言動取辱腹有數卷書其人便不
俗

前人創門楣後人鬻田宅萬金遺子孫不如一清

白

燕雀依堂廈鵝鴨畜樊籠超然人世外我羨冥冥

鴻

陰陽互消長寒暑相始終得馬與失馬勿勞問塞

翁

詠懷

病餘腰腳太支離，疏懶有時還自嗤。
世上人誰癡似我，年來書更劣於詩。
閒邀田父桑麻話，學作童孫句讀師。
萬種塵緣都掃卻，余懷祇許鶴猿知。

夜大寒同友人作

一夜風烏烏，砭人欲裂膚。
壁深燈影顫，邨僻櫛聲模。
孤灰冷疑無火，冰堅屢上鬚。
寒梅花著未有夢，纔

種蕉聽雨軒詩鈔

卷五

歸田草

七

自述

守拙田園性最宜，三年猶恨罷官遲。
身經磨鍊仍難佛，病可支撐不問醫。
行飯笑將孫代杖，耽吟每倩客鈔詩。
箇中自有無窮味，多少勞人恐未知。

枕上偶成

插架芸籤溢古香，小窗閒坐手丹黃。
浮名淨利濃於酒，爭似書中滋味長。

一蓑一笠足徜徉，誰道難尋卻老方。
居士今年年

六一合教別號襲歐陽

有述

盛世作人歌善莪中學西學無殊科語言文字置
重譯緩耳雕腳相切磋與學何忍遺下縣蕩蕩王
道平不頗召號生徒開講舍立教平地起嵯峨廣
廈萬間功斯鉅由來補屋藉牽蘿千金裘非一狐
腋有鼠則掘雀則羅羅掘不知何時已窮檐脂膏
本非多賴有神君洞民隱噓以春風飲太和吾鄉
連年苦水旱入夏無麥秋無禾小民縱有嚮學心
其奈室如懸磬何昨聞客言知蜀事灾黎蟻聚徧
山阿爲撫爲勦皆棘手奚由講藝使投戈

友人詢近狀答之以詩

鄉曲局聞見有如測海蠡攬鏡窺霜鬢讀書恨我
遲

鍾惺不知醫療疾嘗以畫代畫我有詩凝吟神爲

快

苦吟

苦吟鎮日拈霜髭，島瘦郊寒是我師。
詩債更無臺可避，書癡誰信藥能醫。
茫茫千古都成恨，落落孤懷總不宜。
欲把貞心比松柏，雪中獨挺後凋姿。

聞村廟鐘聲

頓覺聞根澈，鐘聲渡野溪。
鈔經僧不俗，禮佛客常稀。
村外夕煙斂，門前古木齊。
此中堪小憩，乘興一扶藜。

種蕉鹽雨軒詩鈔

卷五 歸田草

九

與兒輩論詩

性情活脫現毫端，格調何嘗襲杜韓。
自有詩中真我在，笑他優孟但衣冠。
漫云試律肇唐賢，得力胥從三百篇。
有宋不聞詩取士，蘇黃好句自流傳。

村外卽景

杖藜喜趁暮天晴，林角猶餘殘照明。
投樹鳥從雲外落，踏冰人在鏡中行。
煙籠破寺牆三面，風送隔

溪鐘一聲小立移時更無語遠看穉子笑相迎

老柳

繪出山林處士家數行衰柳對門斜百年喬木人
同老二月春風樹不花雨蝕腹空常穴蟻霜摧葉
盡尙栖鴉古心古貌渾如此何必淨榮羨舜華

喜晤丹廷世講

寂寞荒涼地忽聞車馬音青雲君注籍白髮我投
簪文字千秋業滄桑一片心清談拚永夜冰雪滌

種蕉聽雨軒詩鈔

卷五 歸田草

三

煩襟

而翁兄事我今夕又逢君疏懶儕嵇阮交遊並紀
羣深情指潭水冲抱挹春雲未竟連牀話窗間曙
色分

殘臘

忽忽又殘臘光陰醉夢中忘機鷗鳥似有癖蠹魚
同古帖摹逾遠新詩製未工自憐還自笑頭腦本

冬烘

男喻
祖仁校字

余官山左時李吉珊太守書贈一聯云到堂盡是
論文客入篋從無造孽錢此蓋某廣文舊句太守
謂其肖余生平取而移贈余雖不敢當而愛其語
之質實且懸諸座右足以自警也歸田而後入篋
之錢已盡到堂之客亦稀偶爾拈毫惟與兒子輩
商榷可否而已二兒論詩嚴一字未安則低首凝
思吹求不已三兒論詩寬每讀至得意處則爲之
擊節歎賞眉舞色飛疵字類句不暇指摘也余嘗
謂得二兒之微吟而詩律以細得三兒之朗誦而
詩興以豪兩兒見解不同而其有益於吾詩則一
也今三兒亾矣書帷晝掩硯匣塵封未免有情孰
能遣此蓋不待催租之敗興而詩已不能復成矣
獨坐無聊援筆拉雜書之以抒積悶辛丑重九日
戲馬臺樵

種菴聽雨軒詩鈔

卷五

歸田草

三

自六月至臘月得詩百數十首沙之汰之餘八十
八首釐爲一卷付之手民曩余客甌齊等兩刻編

訂者爲及門諸子往往取余所棄三者闌入集中
所收太濫識者譏之歸田兩卷則以已意爲去留
未嘗假手他人至詩學有無進境有非余之所能
知者質諸大雅幸賜教焉光緒二十八年壬寅嘉
平月戲馬臺樵

種蕉聽雨軒詩鈔

卷五

歸田草

三

種蕉聽雨軒詩序

光緒丙午正月南皮 葛子周夫子以所著種蕉
聽雨軒詩集郵示並督序集凡三曰甌陞草曰齊
竽草曰歸田草都若干卷 宸展讀未竟有客至顧
而哂曰今何時也胡讀此爲此學在昔已屬無用
況今罷科舉開學堂宜研究東西各國之學術治
術如所謂普通專門改良某某最新某某等書以
致用而乃從事於吟風弄月且刊布焉卽追鮑謝
侔李杜亦誰復寓目得毋供覆醬瓿非識時者之
所爲乎曰如若所云乃希名干進者之所爲非吾
夫子志也夫子少負盛譽與張孝達尙書齊名通
籍後牛刀小試卽賦歸田今老矣不復馳域外之
觀凡所爲詩不過如風水成文自鳴天籟無意求
工而深人自無淺語讀甌吟可識旅遊之艱讀齊
竽可識爲政之慈讀歸田可識徜徉之樂年少諸
作散佚靡存感槩之什不登於篇方之前哲於陸

劍南爲近不惟無希時之思亦並無近名之念豈
與隨俗轉移者侔哉近有自題句云東漸西被文
明世葛天無懷太古民可以識厥旨矣客退爰錄
問答之言以質之夫子受業利津李澤宸謹序

種蕉聽雨軒詩鈔

序

丙午春 南皮先生以詩寄京師且命之序

瀾 睽

几杖且八年矣開編急讀恍若侍 先生之側而

親炙其光輝

瀾

雖不足以知

先生之詩而念生

平所受知者莫 先生若其又何敢以無言 先

生生平好爲詩其少作往往散佚不自收拾今所

存者齊竽歸田二草爲多齊竽之作多仁厚而和

平歸田之作多曠適而閒逸其間家國憂患抑鬱

無聊則感慨悲歌隨所遇以寫其性情之正焉至

種蕪鹽雨軒詩鈔

序

於浮僞之音鄙靡之詞斥絕務盡蓋 先生之論

詩寬而律綦嚴也雖然 先生豈僅以詩鳴乎哉

先生以名進士宰高密噓枯植弱政簡民和當是時

德人自膠州灣創脩鐵路調集外兵勢洶洶相逼

向愚民疑懼聚衆抗拒 先生委曲調劑忘身忍

辱事愈難心愈苦愚民無知譟詠紛起 先生弗

之恤不數月而 先生去矣庚子之秋夷兵假轡

焚掠慘懼鋒刃者且千數乃皆曰 先生在不至

此又烏知始事時非 先生之委曲調劑其禍且
烈於此哉嗟乎以 先生之才僅小試於一令且
不得安其位終於被謗而去何運之厄歟抑亦所
謂詩能窮人者信然歟 先生初爲固安校官時
先大父以少京兆試士畿輔與 先生以文相
投契丙申秋 先生莅任高密瀾以舊誼晉謁以
文爲贄亟蒙嘉賞誘掖獎勵期以遠到今備員銓
曹毫無建立深以負 先生之知是懼顧瞻門牆
眷懷疇昔所爲每一執卷而感慨流連不能自己
者爾 受業高密任祖瀾謹序

種蕉聽雨軒詩鈔

南皮 葛之覃 子周

歸田草

題張素存相公冊頁

癸卯

京江風度鳳鸞姿
早入承明結主知
文字由來覬福澤
廿年宰相太平時

三文敏筆重三朝
輝映後先世代遙
試取公書與比較
驕駟駮駮恰連鑣

種蕉聽雨軒詩鈔

卷六 歸田草

一

漫分燕瘦與瓔肥
濡染淋漓大筆揮
我向時賢誇眼福
先生遺墨世間稀

文字今生合有緣
紛紛過眼等雲煙
墨痕莫怪摧殘甚
綾本已經二百年

詠懷

乞令誰教學稚川
名場於我太無緣
携琴一入鄭公里
解組恰當白傅年
好友新詩籠素壁
貧家故物話青氈
焚香消受清閒福
差信心如古井泉

爲戴弢伯鴻臚題張文達公畫冊

北有滄城戴南有皮城張彬彬復麀麀文采照吾
鄉君家故尚書盛世際虞唐高懷託縑素畫宗米
襄陽山水詣神品間亦寫簣管雲煙恣揮灑筆札
給尚方妙墨契宸賞銀印賜章皇寶篆十六字天
語何輝煌憶余總角歲往往造君莊此印屢索翫
摩挲手爲香公畫今已罕價重逾琳琅誰歟繼芳
躅望古徒茫茫仿摹非無人虎賁貊中郎一二小
種蕪聽雨軒詩鈔

卷六 歸田草

二

家數望公走且僵文達間世生斯道重爲昌大名
與公埒後先遙相望青宮舊師傅白髮老平章詞
翰妙天下丹青復擅場膠山與綉海插架富縹緗
何期庚子秋事變出蒼黃潭潭故相居池館生淒
涼圖書半灰燼珠玉飽盜囊宮紈此六幅拋棄路
之旁有人頗解事撫拾付篋筐輾轉入君手命工
重爲裝君家精賞鑑故物餘青箱尚書山水卷一
一什襲藏今又得是冊四壁增輝光天教兩美合

如莫耶干將二公不同時千載宛一堂君詩敘顯
未媿媿言之長媿余不能詩勉爲搜枯腸

元日作

甲辰

閉戶經年久都忘歲序更青鐙還有味白首竟無
成卓犖誰千古糊塗了一生孫謀宜早裕莫使墜
家聲

寫懷

年年風雨臥荒邨册子一編守兔園下土艱難惟

種菴聽雨軒詩鈔

卷六

歸田草

三

一第少年仕進正多門身非有用休干世子已無
成更望孫飽聽書聲心自慰何勞定省伴晨昏

三月三生日作時年六十四

乙巳

節序欣逢上巳交梁間雨兩燕營巢花看南圃惟
孫伴門掩東風任客敲遣興最宜臨襖帖問年恰
好數羲爻老來頗擬雞窠住夢想離奇亦可嘲

學問荒唐祇自慙聊將得失靜中參觀書無日不
鐙右得句有時似劍南諱老厭聞年八八遊春嬾

出徑三三酸鹹世味嘗都徧願與彌陀共一龕

感舊六十六首

趙靄南明府 土桐

甘肅舉人歷官益山河間南皮知縣余初
應童子試受知師也公性嗜學簿書旁午
不廢臨池邑侯以工書稱者倪公為炳後
我師一人而已公子小南貳尹煜亦善書
官天津
縣丞

先生書法出虞歐為問時賢孰與傳偏是世人疎

鑑賞但知遺墨寶倪侯

種蕪聽雨軒詩鈔

卷六 歸田草

四

郭明府 鈔

陝西人道光癸卯解元庚戌進士直隸卽
用知縣咸豐壬子冬南皮縣試聘請閱卷
先生睹余文許為可
造批改一如嚴師

今望夙欽山斗尊叨從文字託淵源金鍼不惜逢

人度敢忘關中老解元

錢香土方伯 忻和

雲南進士直隸布政使官天津府時余與
張湘濤尚書先後受知於公拔置第一公
每向人
茲稱之

龍門百尺許攀躋
魏說尚書名與齊
同是榜中人
第一山林廊廟悵雲泥

謝忠愍公

子澄

字雲舫四川舉人天津知縣咸豐三年禦賊陣亡贈布政使予謚忠愍癸丑九月天津歲試公爲提調官時余於稠人中執手殷殷立談甚久頗以遠大相期及試畢走謁公已募勇出城不數日而凶問至矣事隔五十餘年其勛余之語惟雲程萬里四字尙能記憶也

難得大賢青眼垂平生自詫遇公奇誰知片刻立

種蕉蠶雨軒詩鈔

卷六 歸田草

五

談曰卽是千秋訣別時

冀西園侍郎

文齡

此余入學受知師也咸豐三年九月公以提督學政按試天津甫下馬賊大至礮聲如爆豆公扃門試士終日危坐堂皇神色不少變余時應童子試目覩之公孫雲樵荆史光緒間需次山左與余交好

萬千鐵騎指幽燕正是扃門試士天危坐堂皇公
目若紛紛礮石落城邊

張詩船侍郎

祚河

公工詩善畫雅意憐才視學畿輔時余以諸生試經古年才十三每成一藝輒命呈閣立與評點公又時至號中索觀草稿親爲拂拭筆硯此情此景今生不能忘也

日試夾竹桃賦以布葉疑竹分花似桃爲韻

白髮詞臣興更豪携將玉尺王風騷命題限韻事如昨布葉分花夾竹桃

李古廉侍郎

清鳳

咸豐丙辰公爲督學使者余以廩生應試公詰以何不出保聲甚厲余唯唯以怕誤事怕擔錯對公笑曰如此善怕他日何以任封疆耶榜出竟列前茅

種菴聽雨軒詩鈔

卷六

歸田草

六

巖巖道貌凜如霜下土趨承答對忙惹得先生發戲語不聞善怕可封疆

萬文敏公

青藜

咸豐己未歲試余以經古受知公諳諳以臨帖爲囑至再至三丙子榜後謁公公一見遽責之曰子不用我言失一館職甯不悔耶

至司未必盡冬烘失意都緣書欠工孤負師恩向誰說無言桃李泣春風

蔣子良給諫

彬蔚

公丙辰會試第二人官翰林時提倡風雅
一時名士多從之遊余壬戌挑膳出公門
下公子迪甫戶部葆忱亦有
交名與余交好與公先後卒

花天酒地侍公遊回首前塵四十秋名士紛紛滿
京雒風流誰繼蔣常州

錢辛白閣學 桂森

公江蘇泰州人道光庚戌翰林官至內閣
學士屢主文衡得人稱盛余丁卯鄉薦實
出公房時余方攻舉子業公謂作文妙訣
總不外一韻字余謹識之不敢忘及觀政
比部所儼屋密邇公居每詣公輒流連竟
夕余於古文詞賦稍知門徑者公之教也
種菴聽雨軒詩鈔 卷六 歸田草 七

厥後余乞令出公亦以安徽學政
乞病歸而師弟乃不復能見矣

憶昔春明託一塵開尊每在落花天巢由遯迹夔

龍老一別師門二十年

汪文端公 元方

公立朝有直聲不避權貴屢司文枋所取
多知名士同治初余為校官以事件公旨
幾登白簡迨丁卯鄉試余卷實出公門揭
曉睹余名公語同官曰此人吾識之是蚤
有文名者為述往事甚悉感恩知己我
於公殆兼之矣每一追憶潸然泣下

一天雷雨作春晴小草欣欣此向榮知己感恩兩

種淚并將熱血一齊傾

賈文端公楨

公壬辰榜眼余丁卯座師也榜後謁公所
以獎借之者良歎公時髮已垂白未獲久
侍門
牆也

玉杖輕扶白髮新迎人善氣靄如春漫云衣鉉師

門繼公是當年第二人

瑞文端公常

同治丁卯公主順天試余榜後謁公於相
邸刺甫投印延入公欣然執手曰壬戌鄉
種蕉聽雨軒詩鈔卷六 歸田草 八

試子非挑一騰錄乎汝三藝皆以義經詩
題二場及各遠經體業經批中竟以額滿
見遺科名遲早豈果有定數耶
關中瑣事竟蒙記憶可感也

茫茫四海覓知音誰惜中郎爨下琴羨煞白頭老

相國文場瑣事總關心

單文恪公懋謙

公同治丁卯主順天鄉試旋以大學士致
仕歸卒於里第光緒初公子大經出守甌
郡頗著循聲甌人尚能言之余自罷
歸田里罕與人接無由詢其近况矣

疏曾聞乞鑑湖卅年消息總模糊夕陽今日烏

衣巷尚有飛飛燕子無

李少軒太史 肇南

雲南人辛未翰林余丙子會試房師也庚辰夏月夫人歿於京邸先生哭之慟賦悼亡詩十餘首權厝於黑窰厥尼庵殯之日適大雨平地水深尺許弔客無至者余與先生枯坐禪室中至晚乃得歸

傷心最是落花時潘岳多情太費詞寂寞殯宮同

坐雨挑燈重續斷腸詩

黃恕皆侍郎 倬

種蕉聽雨軒詩鈔 卷六 歸田草

九

此余丙子座師也榜後僅一二見未獲入侍門牆庚辰辛巳間公猶子膺官戶部郎與余往來甚洽時公已歸道山矣

名門簪笏羨蟬聯繼起翩翩有後賢南望衡陽雁

飛斷一思叔度一淒然

桑文恪公 春榮

公爲余丙子座師以尙書予告後惟以吟詠自娛八十一生日徵詩余作頗蒙許可公子叔雅太守彬與余交好別亦二十年矣

舊價文章重木天抽簪恰及杖朝年東山綵竹敷

曹地也詠霓裳陪衆仙

董醞卿尙書 洵

公隸書爲當代冠冕論者無異詞公子劍
秋比部蓮亦善漢隸一時有羲獻之目余
丙子出公門下從游最久乃於師
門筆法未能得其少許心滋媿矣

公書祖漢不宗唐洗盡人間時樣妝我讀石經未

終卷枉教師事蔡中郎

崇文忠公 綺

丙子春聞余卷爲公所批中榜後謁公頗
以遠大者相期許嗣余觀政比部學習期
種蕉聽雨軒詩鈔卷六 歸田草 十

滿當奏留余力請改外公聞之大不謂然
每語人曰以某就此麤官可惜也余以一
著之失坎墮終身追憶師言輒呼負負庚
子殉節保陽余曾以宋之文信國比公詩
載前集今仍無
以易吾說也

把臂遙將信國呼悠悠千載有同苻兩公正氣塞

天地科目誰云半腐儒

馬松圃觀察 繩武

公安徵人官畿輔最久由牧令擢監司所
至有聲其守天津時尤多惠政歿後七邑
紳耆合詞籲請建祠非倖致也余於光緒
丙子始遊公門公子小圃司馬亦與余交

好

丁沽七二口碑同博得新祠尸祝公我是白頭門
下客十年絳帳哭扶風

阜雲舫尚書

保

公由翰林陟卿貳屢司文柄禮賢下土有吐握風余初以小門生禮見公曰太老師之稱尊而不親猶子常山與君同譜論吾家年誼可也

北斗尚書一品銜延賓東閣脫朝衫通名刺署年

家子同譜君家有阿咸

種蕪驪南軒詩鈔

卷六 歸田草

十一

費幼亭觀警 學曾

先生為耕亭會元庚吉之子丁心齋都轉守存之壻二公皆以制藝名家者也咸豐辛酉余以應京兆試晤先生於京師屢承招飲雅愛拳拳瀕行復以二公文集為贈一為治經堂集一為曠視山房集朝夕瀏覽獲益良多先生時為宛平令不數年擢清河道矣

翩翩裙屐足風流四十年前說故侯記得先生能

愛客徵歌同醉酒家樓

葆承恩公 初

公字孝先，賽相國孫。吾師崇文忠公子也，弱冠襲爵而下帷攻苦，矻矻如老諸生。坐擁萬卷，尤潛心於理學。經世之書，所爲詩古文詞，具有大雅遺音，不落凡響。性喜臨池摹晉唐人書，曲盡其妙。翰苑諸公皆遜謝，自謂弗如。一時遊京師者，得公片紙寸楮，珍如拱璧焉。庚子之變，吾師殉節保陽。公時居畫石橋公邸，率家人縱火自焚，一門老稚俱成灰燼烈矣哉。

躬桓峻望，壓通侯上界神仙第一流。藉藉書名人。

不朽况公大節炳千秋。

李鑑堂制軍

秉衡

種藻聽用軒詩鈔

卷六 歸田草

七

公奉天海城人，歷官山東巡撫、四川直隸總督。余昔爲公屬吏，受知最深。庚子公殉節，曾哭以詩載前集中。

攬轡澄清志未伸，并將一死報君親。曉曉衆口何庸辨，公論千秋自有人。

貴哲生學士

賢

公姓李氏，漢軍旗人。丙子進士，內閣學士。累世貴盛，園亭花木不減君家。平泉公學問淵雅，精於賞鑑。金題玉躡，堆積如山。收藏之富，京師罕有倫比。與余爲同年友，相得如同氣。館其家數年，日與考訂金石品評書畫，依紅泛綠，不足喻其樂也。庚子之

變公避兵民家鬱鬱不自得以憂憤卒聞
所藏卷軸大半散佚上海顧氏石鼓硯公
所珍秘未審尙
在人間否耶

紅羊小劫記庚年書畫飄零散碧煙一望燕雲一

惆悵何堪重泛米家船

張畹農侍御 汝熙

先生武清人祖籍江西甲子優貢丙子進
士由戶部郎擢御史未補官卒君風神朗
暢瀟灑出塵所爲詩古文詞無些子煙火
氣善書畫與道州何詩蓀中翰齊名又復
旁涉藝事若琴若棋若醫若卜若雕蟲篆
刻無不曲盡其妙傾倒一時才人慧業豈
種蕉聽雨軒詩鈔卷六 歸田草 三

金臺名士自紛紛說到才多總讓君儻使君生建

安世陳思八斗定平分

郭定軒廉訪 從矩

山西潞安人庚申翰林任湖南益道署按
察使卒於官公學問淵邃性情寬厚有長
者風大興梁雲亭先生公外舅也公官翰
林時卽主其家余故與梁善因並交公嘗
命公子寶清從余讀及光緒己
丑登賢書而公已不及見矣

訪君遙指丈人峯，錫館清娛一笑逢。往事於今不堪說，臨風長憶郭林宗。

華竹軒侍郎金壽

天津縣人甲戌傳臚戶部侍郎庚子典福建試途次聞天津城陷以憂憤卒余與先生同丁卯榜相與如同氣先生視學山左余適需次省垣因命公子學涑從遊焉學涑膺丁酉鄉薦供職農部多才好學尤潛心於經世之書先生爲有子矣

臚唱名從第一宣先生清望冠時賢老蘇文學能傳子我愛東坡正妙年

種蕉聽雨軒詩鈔

卷六 歸田草

十四

吳晉王觀察唐林

先生陽湖人工詩善漢隸辛酉科舉人兵部郎中以道員需次浙江未補官卒余於先生爲年家子丁丑秋遇於博陵論交甚洽一日同遊城郭間見一碑陷土中僅露其額掘出視之則城隍廟記金正大初石刻也金碑鮮佳者此則絕似李北海書先生得之甚喜乃各揚數紙以歸世有好事者出當補入山左金石志矣

先生舌本似瀾翻，媿我學荒餘。兔園記得訪碑古城下，前朝石刻辨金源。

游子岱制軍智開

先生由牧令起家官至開府飲食服御一如爲諸生時同光間以儉德稱者聞文介外則先生也先生官永定河道時余適掌教方城每遇招飲座無襍賓我與先生一樽相對而已

豪門豔說五侯鯖誰復朝朝菜作羹儉德清風天

下仰一閩文介一先生

孫琴西太僕

衣言

公瑞安人庚戌翰林仕至太僕卿余與公子仲容比部詒讓爲同年友相交稱莫逆丁亥客東甌蒙公賜以永嘉叢書遜學齋全集若干卷著作之富阮文達後我公一

種蕪雨軒詩鈔

卷六 歸田草

五

人而已

等身著述足千秋曾爲書多別起樓先輩風流誰髣髴令人常憶阮揚州

王清如觀察

景澄

江西人道光甲辰傳臚浙江温州知府游升道員未補官卒先生文名藉甚屢主文衡丙午典試浙闈得人尤盛徐尚書用儀其門下士也然仕途偃蹇需次三十四年至窮困以終惜哉光緒戊子權溫處道篆延余閱書院試卷相得甚歡時先生已八旬而豪情逸興猶不減少年也

白髮三千歲月徂窮途疑有鬼擲揄竹竿不許點
魚上公似宛陵梅聖俞

黃漱蘭侍郎

體芳

先生瑞安人癸亥會試第一人性灑脫好
飲酒光緒戊子典福建試乞假省墓歸招
飲者殆無虛日余時客東甌與陪清譙詩
酒流連如是者旬餘乃別去別後不數年
先生歸
道山矣

先生才調繼青蓮斗酒也曾詩百篇記得甌江成

小聚西風同醉菊花天

種蕉聽雨軒詩鈔

卷六

歸田草

六

任贊臺鴻臚

兆堅

山東高密人壬子翰林官至鴻臚寺卿同
治癸亥公以順天府丞視學通州余時爲
校官曾受公知又三十餘年補令高密觀
風於通德書院得任生祖瀾卷驚爲奇才
置第一詢之則先生文孫也余大喜曰善
人有後矣祖瀾兄祖藩並有學行向未之
識至是亦問業於余執弟子禮焉祖瀾
癸卯成進士觀政銓部祖藩亦中副車

昔年文字辱公知今作通家遇亦奇桃李一門春
意滿亭亭中有兩孫枝

徐星齋廉訪

繼鏞

先生廣東人同治初官永定河道署按察使善書工詩深於醫理刊有筆花醫鏡行世方城書院落成公製一聯云邑有人文但願飛騰從此日我非科甲也曾辛苦記當年蓋公屢薦不售卒以軍功起家故自道其生平如此固安人至今喜誦之余爲司訓時極蒙禮遇公猶子卽之大令思溫亦與余交好時相酬唱此四十年前事也每一追憶爲之惘然

方城精舍落成天記得先生製一聯漫道公爲牆外漢也曾辛苦盡當年

汪少霞侍御 正元

種蕉聽雨軒詩鈔

卷六 歸田草

七

安徽婺源人壬戌庶常由部郎擢御史卒於官著有餘綺堂文集行世余官刑部時先生方爲曹長相交稱最善先生善行楷而雅愛余書太夫人壽徵詩先生製錦屏十二命余與翰苑諸公分書之率爾塗鴉先生乃感謝不已時向人稱道之可愧也

書由意造本無師謬荷先生青眼垂十二錦屏名士筆東施掩面避西施

苑秋舫廉訪 茶池

山東諸城人癸亥翰林浙江溫處道署按察使余初識先生於温州論文甚契光緒癸巳余分校東闈時先生已歸林下諸城邱殿三孝廉在元時以諸生應試榜前以

聞作示先生先生闕畢作而曰子作良佳
然文品高粹不易辨非遇葛某不能入彀
也及揭曉果出余門
人皆以爲佳話云

祿闈舊事話從頭文字有絲針芥投莫羨汝南高
月旦我公隻眼亦千秋

魯芝友觀察

琪光

公江西人戊辰翰林書法與蓮西太僕齊
名以御史山守山左調濟南首郡游升道
員所至有政聲余以文字受知獨深偶檢
敝簾得公手札數紙不勝人琴之感已付
兒輩善藏之矣

種蕉聽雨軒詩鈔

卷六 歸田草

六

修到神仙自有真欲從明月問前身不知天上工
書者公是古今第幾人

莊心秦明府

九端

先生爲衛生方伯之仲子家學淵深風神
朗暢同治甲子補固安令年才三十余時
爲司訓與訂莫逆交推襟送抱形迹胥忘
故事縣官送新生入學與學官行賓主禮
是歲舉行斯典先生與余相視而笑幾至
不能成禮此四十年前事也每一追憶爲
之悵然

庠門下馬步遲遲爲送諸生入泮池君作主人我

作客相看俱是少年時

吳鼎立廣文 三峯

南宮縣人道光甲午舉人固安教諭卒於官先生品端學粹年又最長余為司訓時兄事之切磋琢磨蓋十餘年如一日也寒齋一片身後蕭然不知詩文遺稿有人代刊否耶

寒齋生計一身迂得遇名賢道不孤廿載交情如一日清風儉德近人無

李瀛仙明府 應選

種菘露雨軒詩鈔 卷六 歸田草

九

陝西人壬子進士順義知縣公署固安時創建方城書院集多士肄業其中課卷數百皆手自丹黃之蓋公為關中路閩生先生入室弟子故論文一主師說余時司鐸其地亦得與聞緒論焉

翹材新館闢方城校士與聞月且評怪底文心細如髮公會師事路先生

陳邳廷少尉 炳杰

公湖南善化人博學能文屢薦不售以軍功補固安尉非所樂也浮沈下僚者二十卒以不善事上官罷歸旋卒余為固安校官時年甫逾冠公長余且三十歲嘗弟

畜之他山攻錯叨益良多公酷嗜吟詠所
爲古今體詩哀然成帙多可傳之作公無
子身後遺集不知付於何人記得公詩有
鏗花彈不落鄉信定平安之句洵不媿作
者

十年臭味託篋塤相與論文酒一尊南望瀟湘人

不見知從何處弔詩魂

陳少亭大令 贊清

大令濟甯州人工書畫嗜吟詠儻風流
才華蓋代與弟小亭司馬鏡清年相若貌
相似才亦相埒又同官畿輔一時有二難
之目同治初小亭令固安余方爲司訓得

種蕉聽雨軒詩鈔

卷六 歸田草

三

與賢昆仲訂交焉厥後少亭
改官山右小亭擢南路同知

風流文采繫人思曾記方城把袂時我愛二難才

絕代元方書畫季方詩

莊仲光孝廉 雲韶

公江蘇陽湖人己未舉人考取教習同治
初從兄心泰大令宰方城招公來署讀書
余因與訂交公性情肫摯余每搆一藝公
輒塗乙之索瑕尋垢不啻嚴師同視席者
五六年後以主講東昌別去抵東月餘忽
發心疾投井死此同治己巳春間事也絕
命詩多奇語今尙記
其逍遙水底天五字

卅六年華鬢未皤青雲有志詎銷磨公緣底事成
幽憤苦學靈均沈汨羅

陳朗山學正良王

廣東駐防漢軍鑲白旗人道光丁酉舉人
性情豪邁嗜飲工詩五七古尤所擅場咸
豐閱苻氏刊國朝正雅集採先生詩數首
同治初補通州學正非所好也余與先生
訂交潞河詩酒往來殆無虛日余嘗以舊
搨刁公墓誌贈君君答書曰萬里間關一
官落拓獲一善本庶幾不虛此行
他日携之南旋可以誇示朋輩矣

騷壇牛耳下風趨小聚潞河形影俱我欲學詩稱

種蕉聽雨軒詩鈔

卷六 歸田草

三

弟子先生才調近來無

陳小漁明府紹謹

公山陰人詩人漁塘先生伯子也極品端
方操守廉潔以知縣需次順天同治初余
客方城因與訂交其子弟輩亦多從余遊
焉公歷辛順義文安不名一錢罷官後流
寓津門貧至不能舉火歿後寄匱廢寺中
庚子之變竟付一炬可哀也夫公子昌五
少尉開祥性聰敏有吏才
補山東濮州吏目先公卒

滄桑小劫話津門
變起倉皇白晝昏
三寸桐棺尋
不得空教宋玉賦招魂

沙錫光孝廉

駿聲

江陰己未舉人工詩善書長於駢體翩翩
書記才也同治甲子以游幕至固安余假
館居之日與講藝論文交成莫逆乙丑
計偕北上乃別去自此音問罕通矣

記得荒城託一椽連牀夜話意纏綿何堪一賦春

明別雁香魚沈四十年

高梧軒齋尹

延彬

公江蘇陽湖人闓罕太史賜鯉公季子也
古心古貌望之如方外人酷嗜吟詠不甚
肆力於時文試京兆不售由謄錄議敘益
大使需次長蘆鬱鬱不得志未幾卒余初

種蕉聽雨軒詩鈔

卷六 歸田草

三

識公於方域重其學
品且齒最長兄事之

當年賈島苦吟身一尉長江老更貧莫道先生官

落拓古來丞簿盡詩人

劉友梅大令

樹勳

山西陽曲人客官秀峯相國幕中以軍功
補無極令甫到官卒先生工書臨聖教序
全部多至五百本隸書專學漢人唐以後
皆所不屑尤精繪事花古山水兼擅其長
同治庚午余與先生訂交方城頗以筆法
授余惜余腕劣未能得其一二爲可憾耳
先生寶一古硯爲吳門顧二孃手製款跋
極可愛蓋相國所贈物也先生卒無子所

藏金石聞
皆散佚矣

古硯爛斑暈墨香先生什襲比琳琅他年市上求
遺物記取吳門顧二孃

項幼安大令 寶善

河南人官邯鄲知縣倚寓方城先生精賞
鑑嗜金石鐵筆之工罕有倫比與余交最
善余之名印
君所鑄也

小試牛刀起誦聲雕蟲篆刻亦知名一生雅鑒誰

堪比惟有君家項子京

種蕉靈雨軒詩鈔

卷六 歸田草

三

孫鵬南廣文 廷翮

山東文登人壬戌舉人單縣教諭光緒丙
申卒於任所年六十有七先生素寡交遊
獨與余交最善友愛如同胞初爲博平司
訓以憂去官眷屬不能歸余爲割宅以居
先生性狷介夫人亦具有廬下風相依數
載內外無閒言家人輩至今稱之先生雄
於文著作甚夥
惜身後皆散佚

神仙眷屬小團欒媿說當年一授餐夫是伯鸞妻

德耀伊誰不作古人看

丁藜生教授 照

永嘉人丙戌進士余丁卯鄉榜同年也性高曠不慕榮利榜下以知縣用不赴選閉戶家居惟以著述自娛丁亥戊子間余客東甌得與訂交詩酒往來無間風雨別後一年先生補紹興教授卒於官

三年鴻爪寄東甌拜識先生已白頭記得遊山呼

侶伴訪君時過寶輪樓

傅聲谷明經傳

先生永嘉人家貧嗜學老而彌篤平生著作甚夥賴門人力刊刻數種餘藏於家余初識先生於友人座中時年已七十而飲酒賦詩興復豪甚聞江心寺風景絕勝相

種蕉聽雨軒詩鈔

卷六 歸田草

三

與泛舟孤嶼訪雪眉上人清談竟日是日謁文信國祠觀謝康樂像生平第一快遊也雪眉工詩善書畫年亦七十許

甌江金社幾多朋一遇先生興倍增孤嶼梅花三

百樹商量買棹訪詩僧

過玉書大令鑄

金匱人癸酉舉人浙江知縣工詩善畫有名於時戊子己丑間先生推稅東甌因與訂交比余之歸先生為畫山水數幅以寵其行故人情重為可感也

三年萍迹聚江鄉唱到驪駒別恨長行李一肩輕

似葉多君寫石壓歸裝

湯紹卿明府 肇熙

江西萬載人生而穎異八歲能詩有西江才子之目道光丙午舉於鄉年才十五同治癸亥成進士由部曹改外令浙中所至有惠政誦聲翕如公宰平陽余適客東甌因與訂文字交詩筒往來殆無虛日所著出山草譜詩文等集一一屬余為序刊之簡端謂余曰非敢瑣瑣留此數行墨欲使子孫知吾輩交情也戊子秋乞養歸卒於家

訟庭花落怕無聲人道官清詩亦清他日循良與

種蕉聽雨軒詩鈔 卷六 歸田草

三五

文苑從何傳裏著先生

楊稚虹明府 文斌

先生雲南人風度峻整工詩善琴以廕補合瑞安有政聲調繁郵縣尋卒余客甌江與之訂交嘗出其太夫人餐菊軒遺稿屬題各流題詠殆徧余勉成五律四章先生補刻集中續貂之諛其奚以辭

文字交情久益堅何堪引領望南天前身自是神

仙吏小謫人間四十年

申錫之明府 綸

先生本高麗人姓金氏自其大父某以貢
使入朝乃隸旗籍先生善書工詩澹於榮
利令浙中 longest 宦橐惟金石書畫數
巨麓而已光緒己丑調樂清令余與晤於
甌城更唱迭和相得甚歡時先生已六十
餘矣不一二年與其夫人先後歿於樂署
雙櫬寄城外古寺中先生無
子女亦別無戚屬可哀也夫

四海無家身似萍逢君兩鬢已星星永嘉占得好

山水地下聯吟有四靈

祁瑞苻明府 壽慶

江蘇人丁卯舉人癸未進士即用知縣補
令濟陽未二年罷歸旋卒先生工詩善書

種菴聽雨軒詩鈔

卷六 歸田草

三十六

元長於篆隸性情高潔讀書外無他嗜好
余與爲同年友同以文字受上官知屢與
分校東閣之後先生閨中爲余鑄
小印二方筆法蒼老不減古人

城邊老屋隔塵闌記得訪君時扣關怪底宦情如

許澹先生事業有名山

李端甫明府 子方

河南睢州人已丑進士截取知縣補邱縣
令卒於官公歷宰剝邑不名一錢有李青
天之稱邑民至今思之公歿後哲嗣傲儒
旋成進士入翰林人以爲愛民之報余與
公訂金蘭交以道義文章相切磋者蓋
八九年孰料歷下一別竟成千古哉

賢侯遺愛繫人思宦橐蕭然亦可悲贏得佳兒能
跨竈翩翩飛入鳳凰池

李慶堂守戎 遇春

天津縣人道光甲辰武舉署大城營守備
博學工書粹然儒者官固安汎時余與交
好以其年最長兄事之先生丈夫子五人
季子劬忱以縣丞需次山左署泰安經歷
亦有書名

派衍北平世澤長庭前玉樹榮成行生兒具有五

常譽一个白眉號最良

種善堂再軒詩鈔 卷六 歸田草

二七

劉芥舟都閩 昌安

先生固安人河營都司博學工詩尤精繪
事與司馬繡谷齊名余司鐸方城與訂忘
年交情好慕篤嘗爲余作秋柳一幅疎落
有致八十老人筆也余今尚寶藏之先生
無子身後金石書畫
都歸散佚可哀也夫

誰道君非小謫仙且從身後證生前多緣天上無
山水遊戲人間八十年

歐陽鑒非軍門 利見

先生學問淵博工詩善書官浙江提督有
年刊刻古書甚夥余以文字辱公知已丑

冬由杭返棹路出甬江先生贈
以手刊本計十餘種可感也

校書更比少年勤午夜蘭膏手自焚生性好文不
好武千秋人憶故將軍

程涓賢都閩 夢熊

浙江衢州人補用都司磐石守備嗜金石
工書畫闕署後隙地築讀書精舍植名花
千百本觴詠其間望見者以為神仙不如
也余客鹿城與訂莫逆交嘗為余作花卉
若干幅工妙無比公奉檄濬河得漢甄一
枚截為二硯以一贈余硯側不貺兩篆字
尚完好儒將風流良
朋雅貺不可忘也

程涓臨甯野詩鈔

卷六 歸田草

二十八

不羨生封萬戶侯賦詩飲酒足風流先生畫品誰
能似惟有當年顧虎頭

徐翰華秦戎 鳳藻

湖南人以軍功補秦將博雅能文不媿儒
將左文襄公雅愛重之署温州右營游擊
時余與訂交公歿後公子幼華以府
經需次杭州余一至其寓拜公像焉

湘南宿將舊知名大范胸中有甲兵買棹武林拜
公像鬚眉活脫老書生

曾都督 國良

公大與人少無賴貧甚一夕臥村外廢寺
夢神示以從軍當如意公如神教果不數
年至副將軍乃爲新其祠焉咸豐癸丑隨
僧邸剿賊駐兵連鎮以募軍食故迂道過
余丐書扁額獻神祠余書神牖我衷四大
字付之公得之甚喜酬以端硯舊瓷數事
一追憶之猶覺
慙感交縈也

畿南數郡戒嚴初記得將軍一過余四字命題神

宇額垂髻未解擘窠書

趙神童

清安

神童字榴生固安城西二里莊頭邨人余
門人養源學博子也生有夙慧年十一已
種蕉聽雨軒詩鈔卷六歸田草 二十九

畢讀十三經綱鑑文選諸書類能背誦試
以文十言可立就洋洋灑灑英氣逼人見
者僉以大器目之乃一試京兆報罷歸
偶感微疾竟不起造物忌才不其然哉

石以玲瓏竅易穿木因臃腫節斯堅聰明絕世原

非福莫怪天慳李賀年

感舊詩成復有此作

南北飢驅跡已陳一生辛苦歎勞薪陶潛幸未荒

三徑鑿齒無妨號半人覓醉苦思千日酒看花又

負一年春別來舊雨今何在笛聽山陽倍愴神

九月二十一日移盆花室中得十四韻

寒雀噤庭樹凍雲泣小池酷哉一夜霜惟我羣花
欺植物非動物其何以避之不脛花能走走必破
藩籬不翼花能飛飛將入簾帷有恨莫與訴低頭
但含悲我早識花意呼僮勤護持一盆蓄一花小
大隨其宜或置綺窗下南檐納晴曦或置密室中
短几拭烏皮一任天祁寒母令生怨咨推此養花
心養民亦若斯我無司牧責此理繫人恩願借太
種崔聽雨軒詩鈔

卷六

歸田草

三

平民春臺共熙熙

憶從遊諸子漫成二絕

頻年蹤跡溷漁樵壯志都從病裏消衣鉢相傳人
第一老夫不惜作蜂腰先師崇文忠公門人王
子壽彭皆殿試第一人
紛紛桃李逐春開辛苦當年手自栽媿我韜鈴渾
未解受書曾有將星來兩武弟子一爲安徽徐總
戎慶雲一爲同邑常守戎

濟川

男 喻仁
姪孫 王相 校字

夙嬰足疾醫之未嘗見效入春以來愈形委頓有勸余服藥者賦此示之

丙午

痛楚難言祇自知近來腰脚更支離齋心欲誦楞嚴偈破悶強吟釘鉸詩壽似彭聃寧恃藥世無和緩湯求醫阿孫辛已見頭角納采行看具儷皮
闕廟古松爲余遠祖手植蓋四五百年物也
伐之不忍爲贖以金

先人手植一松遺兵燹餘生重可悲不惜傾囊爲

種蕉聽雨軒詩鈔

卷六 歸田草

三

君請願君長保歲寒姿

前詩意有未盡再成一律

濃陰半畝覆叢祠點綴煙霞入畫宜何幸托根能
得地無如生命不逢時忍教老鶴失棲止爲語雛
僧多護持湯與凡材一例視松肪歲久化靈芝

望廟前半松有感

亭亭依舊綠參天不是全身生意捐我亦半人如
鑿齒與君同病自相憐

懷向暉庭學博

數載聯吟社君詩我不如何堪千里別未見一封
書秋水送歸棹春風感索居高堂諒無恙朝食進
江魚

天視下民皆嬰孩駢之熙熙登春臺吉祥孽斂凶

札遇災也胡爲乎來哉去年之災大雨雹木棉無
實豆無角今年之災又災牛無牛何以事春疇禍

種蕉聽雨軒詩鈔

卷六

歸田草

三

人福人誰爲政可憐吾村災尤橫村外有雹大如
卵霎時已見溝壑滿邨中有牛肥且多牛醫搖手
喚奈何扶犁田父惟於邑驅犢牧童相對泣鄰邨
報賽歌且舞誰識吾儕苦又苦或云是乃適然事
彼蒼蒼者初無意余謂凡事各有因降災者天招
者人當由貪夫酷癖錢左車假此破其慳抑以鄙
夫眼孔小造化小兒試與勦我亦有田需牛種時
艱目擊心惶悚更願人人此心捫讓畔讓路古誼

敦天和感召溫風溫醉飽家家足雞豚

某寺明槐無人收贖感賦

香火銷沈佛亦貧琉璃碧瓦尚鱗鱗可憐樹是前朝物於世何尤罰作薪

論吾鄉劉侍郎張相國畫

闊斧大刀筆有鋒遙山近水墨無蹤二公之畫各千古一法南宗一北宗

題譚眠道人畫竹

種蕉聽雨軒詩鈔

卷六 歸田草

三

韞材曾說萃彭城老可坡公俱有名墨竹吾鄉誰巨手戴尚書後卽先生

秩卿茂才屬校惜分陰書屋詩草有感

文章舊價重蓬瀛博得口碑徧馬平太史遭編今

有託挑鐙更憶少司成

謂藝堂司業

三月三生日作

去年此日酒盈盈醉折海棠倒玉罌底事今朝花尚睡春分纔過未清明

任紫溟吏部郵寄虎骨膏誌謝

比來一病太纏綿
暮景頽光祇自憐
鳳髓麟膏何處覓
多君美意爲延年

蜀葵

花是美人貌
葉是美人衣
美人無完襦
亦爲減容輝
葵生籬落間
貌好衣則非
羨殺富家女
翠繞復珠圍

南園雜興

種舊雨軒詩鈔

卷六

歸田草

三

半畝荒園不種蔬
閒花野草徧庭除
折來一葉牛蒡子
大似芭蕉二尺餘

盃大蜀葵結子繁
千紅萬紫滿籬藩
天公不惜胭脂水
潑出石家金谷園

雨過偶携叩竹杖
風來小立豆花棚
閉門鎮日無車馬
祇有花間轆轤聲

楊柳千絲拂短牆
閒庭消受好風涼
萱花楚楚黃蝴蝶
蘿蔓垂垂綠鳳皇

舌蠅

一蠅入帷中已足聒我耳况乃數十輩紛紛開不
已困極不成眠拔劍怒欲起奈此無賴賊飄瞥難
逼視捉之已遠颺不捉遽集此機智比人多爾誠
神乎技我因一蠅微悟得消長理自古一小人足
禍百君子患至而後防不如慎於始蠅少尙易圖
久之將成市

種蕉軒卽景

種蕉聽雨軒詩鈔

卷六 歸田草

三

隔斷人間塵市囂一庭風月儘逍遙藤蘿梢上蒲
萄架荷葉孔穿葶薺苗編竹爲籬難可護移花伴
石蝶能招老來久廢臨池興豈爲學書始種蕉

戲詠園中蜀葵

紅情綠意總模糊草草裝成富貴圖試取牡丹與
比較大家閨秀視邨姑

花好還須綠葉扶由來古諺理非誣蜀葵不是無
顏色減色都綠葉太麤

觀張漢槎茂才所作神仙圖并題句漫賦
丹青一幅寫淋漓想見解衣槃礴時疑是古人今
又作鄭虔三絕畫書詩

苦旱

連年雨澤稀高原每苦旱未聞似今年河流舟楫
斷井深不得泉百尺綆猶短赤地亘無垠難以道
里算皇皇老農心節候逾小滿即雨已後時何堪
期再緩治水十二龍龍比一龍懶曠職罪攸歸胡
種萬壟雨軒詩鈔

卷六 歸田草

三

爲天不管

藤花館坐雨

細雨瀟瀟夜四更芭蕉葉上最分明披衣重起挑
鐙坐珍重今年第一聲

喜雨 五月四日

昨宵聽雨藤花館雨聲忽被風吹斷欲雨不雨恨
老龍乃以一詩通誠款天爲震怒發雷霆頃刻鞭
起懶龍懶一雨立教萬象蘇快哉如飲清涼散

題辭

湖南向震嵐暉庭

歸田幾度續吟編
落落仙踪葛稚川
爲癖丹砂曾乞令
煙霞供養著書年

伊誰感舊有餘哀
詩到先生具史才
六十六人千古事
寫真都自筆端來

種蕉聽雨軒詩鈔

卷六

歸田草題詞

甲辰三月三日爲 子周明府六十晉三壽
辰賦七律二章寄祝

湖南向霽嵐暉庭

記修禊事曲江濱覽揆知 公應吉長道守庚申
惟一隱年周甲子又三春駐顏不覓安期棗適意
但娛張翰薤世自艱危身自壽小桃源裏避秦人
德門咫尺若天涯恨未登堂頌介眉蔣徑但留名
土跡伊川猶是盛年時茶煙影裏閒評畫蕉雨聲

種蕉聽雨軒詩鈔

卷六

歸田草題詞

中細課詩閉戶日多勤著作一編壽世爲公期

氣類才幹二章寄祝

甲辰三月三日爲

子周明府六十晉三壽

子周明府壽章

湖南向霽嵐暉庭

不讀玉蟾集知有葛長庚長庚宋世已仙去清時
又見長庚生渤海高時戲馬臺臺畔一叟日徘徊
蓬頭跣足白雲隈疑自武夷山下來發藻岐嶷始
性成童子科應十二齡博聞強記及壯歲張子三
篋許五經善隸上法秦與漢草書下筆龍蛇縈從
此 聖顏瞻 中辰宮居太乙同承旨出宰膠西
濟艱危逢兵不害復齊軌參透塵世歸林圉服氣
餐霞永茲壽等是著作擅仙才五百年間一先後
先時後時屬何人吾儒且談生世因例以羊祜金
環事海瓊子是 公前身

題詞

同邑張叔鶴少荀

不染俗塵吏亦仙腰羞輕折賦歸田身無羈絆權
由已報食詩書理信天宦海清風餘兩袖騷壇白
雪譜連篇旁觀且莫稱迂叟一瓣心香杜老傳
黍雨棠陰政教敷由來良吏屬良儒憐才每自宏
珊瑚矢志何曾失玉壺洽媿河陽花燦錦墮聯樂
口句穿珠高飛不羨雲中鳥滿目煙霞且自娛
隻手難迴既倒瀾茫茫時局不勝嘆每聞流輩談
歐美更有何人解杜韓幾顆驪珠探領下頻年鯨
浪觸毫端弄孫課子神仙福萬事都從壁上觀
夙願執鞭恨未償欣逢佳什寄瑯琊廿年縱歷窮
愁境數仞難窺富美墻青眼何期邀阮籍素心久
已共元方書生結習慙難化又遣詩魔到枕旁

讀聽雨軒詩賦贈 滄州戴官彤弢伯

高山仰止在東鄰自賦歸田誼倍親夫子無慙真
作者門生盡號小詩人騁騷有志爭先路駑駘無
才步後塵可許戴逵猶問業望君一一指迷津

種蕉聽雨軒詩鈔

卷六

歸田草

題詞

同里季斌敘秩鄉

讀歸田草並續刊感舊詩漫題二律

極目傷時事歸田志不移萬民曾卧轍一老此吟
詩翰墨人爭寶文章衆所師謙謙君子德到處仰
光儀

政績留東魯驛壇樹北燕幾多離別意寫出性靈
篇風雨懷師友交遊記後先諸公同不朽端賴筆

種蕉聽雨軒詩鈔

卷六

歸田草 題詞

如椽

題詞

同邑葉毓蔭槐庭

題葛子周先生歸田草

先生青年善屬文名場下筆掃千軍先生壯歲工
作字揮毫落紙羣鴻戲但訝先生文字奇祇緣未
覩先生詩無端讀得歸田草琳琅編輯如獲寶丰
姿飄灑骨格清裁調自然皆妙造逸韻高挹靖節
懷新辭儼脫劍南藁尤喜感舊發長吟史才直逼
杜陵老掛冠清餘兩袖風宦囊雖涇奚囊充檢點
瑤章付棗梨觸發天籟意無窮消受烟霞足歌嘯
惟覺韻事愜幽衷君不見達夫五十詩始工騷壇
千古仰詞宗渤海於今誰抗手戲馬臺前一老翁

種蕉聽雨軒詩鈔

卷六

歸田草

題詞

一

題葛子周先生歸田草

題詞

同邑葉毓蔭槐庭

題詞

滄州隋恩湛澍邨

題葛子周先生詩集

一縣花植成行作吏吾羨潘河陽五斗米腰羞折
罷官吾羨陶靖節一仕一隱皆千古落落後人孰
與伍高風今乃屬先生軒名種蕉兼聽雨先生製
錦本長才退閑早賦歸去來詩集編成高盈尺與
古作者參追陪抒寫性情多妙句六十六人感知
遇開編一讀一傾心珠璣唾落紛無數珠璣無數
已堪珍况乃詩品如其人其人胸次純天真烟霞
吐囑清無塵恍疑河陽靖節是前身

種蕉聽雨軒詩鈔

卷六

歸田草題詞

題辭

同邑劉錦濤麗川

題葛子周大令詩集後

管領花封甫二年一朝解組賦歸田葛洪不事風
塵吏爲合丹砂返洞天

興寄烟霞氣倍饒開軒覓句避塵囂祇緣喜聽催
詩雨故向堦前多種蕉

霓裳同詠衆仙多爭羨當年進士科一自鳴琴單
父後竟將朝服易漁蓑

種菴聽雨軒詩鈔

卷六

歸田草

題詞

一

皓首窮經老益純無端偶現宰官身鄭公故里棠
栽徧贏得康成作部民

歸來松菊未曾芟寄傲南窗韻自拈今是昨非能
悟卻如公真個晉陶潛

詩編感舊最傷情一字吟成一淚傾知己感恩千
載下也應知遇感先生

題辭

同邑張嘉勳輔臣

題葛大令子周歸田草六集後

豔說君家有葛洪神仙品格本相同淵源若論詩
中派澹遠情懷陸放翁

聯交到處盡名賢顯晦分途各一天感舊詩成皆
信史千秋可續杜陵編

茫茫宦海懶重經爲續吟編筆不停怪的斷輪成

妙手文名早播十三齡

種菴聽雨軒詩鈔

卷六

歸田草題詞

一

題葛大令子周歸田草六集後

題種蕉聽雨軒詩鈔

滄州劉樹鑫貢三

薄宦歸來何所有囊中攜得詩千首千首詩勝千
黃金况復字字膾人口先生才學冠當時久矣文
名齊山斗不雕不琢性靈篇風雅以來推作手詩
如隨園官亦同政聲遠接沈陽後三十年前進士
科白髮始爲民父母秋風校士拔英才春雨巡畊
話田叟還家三徑未荒蕪芭蕉便是淵明柳蕉窗
種蕉聽雨軒詩鈔

卷六 歸田草題詞

鎮日綠沈沈一卷黃庭足道心邇來嗟興添多少

又展芭蕉數尺陰

題詞

聽雨軒夜話

滄州戴官彤詔伯

每逢問字必登堂晝短還須卜夜長

公好夜談談必達旦飲

到醕醪心自醉

公好誘掖後進循循飲人以和

嘗來鼎臠口生香

余詩蒙改易一聯甚老當余雜誦再四

文章大筆推燕許

公文筆為津南一帶

之冠

詞賦南朝薄宋梁

公論詩主性靈不喜六朝金粉

羅隱西湖

老狂士也隨桃李傍門牆

手提珊瑚出琳琅

公三入東簾所薦皆知名解組還歸舊草堂

種菴聽雨軒詩鈔

卷六

歸田草

題詞一

所住書室并未修葺

召伯政聲傳海嶠

公任高密多善政密民至今戴之

杜

陵詩筆挾風霜

為詩法律甚嚴不愧詩史

折腰那許屈陶令

密宰

僅三年

獨步何人識戴良我未登場君勇退時來

東里話滄桑

題詞

滄州隋恩湛澗邨

襟期瀟灑古人風得失何勞問塞翁儘有文名空
冀北尚留治譜在齊東催科甘考陽城下得句咸
驚杜老工珍重瓊瑤無底報朗吟挑盡夜鐙紅
儒雅風流吏是仙歸來依舊研爲田傳經有子同
蘇頌諷世何人似樂天三徑趣從松菊領一囊詩
付棗梨鐫續貂愧乏生花筆敢附雲璈雅奏傳

種蕉巖雨軒詩鈔

卷六

歸田草題詞一

題種蕉聽雨軒

滄州張增騫漢槎

高士襟懷古性情
龐眉皓首一先生
弄孫課子福非淺
世上葛仙舊得名

勞勞南北復西東
萬事都歸藻鑑中
利索名韉縮不佳
平生格調幾人同

二十年前進士科
蒼蒼兩鬢盡成皤
回思試院掄才日
應識濟南名士多

種蕉聽雨軒詩鈔

卷六

歸田草題詞

一

天下名山占幾層
知君頗羨雲遊僧
宦情頗比詩情淡
者樣清高見未曾

題詞

受業戴華孫

青年得第聲華貴皓首辭官齒德尊
夜雨菘羔延故老春風竹馬鬧童孫
蒔花種菜間携甕丐序求書日到門
廣廈杜陵今再見孤寒幾輩話師恩
海上鳴琴亦偶然苦懷松菊賦歸田
高風不讓陶彭澤仙裔同欽葛稚川
問字停車多載酒著書閉戶動經年
老來吟興偏豪甚每一詩成眾口傳

種菘聽雨軒詩鈔

卷

歸田草

題詞一

八載方城木鐸司春風化雨總無私
至今大小張華里爭欲磨碑勒去思

固安有大小張華村
晉張茂先故里也

六年官冷白雲司乞令無端到海湄
畢竟學人多韻事訟庭花落吏抄詩

舊價文章重上游鵲山灤水許句留
東閣三度開

珊網豔說師門得狀頭

王殿撰壽彭公癸巳分房所得士也

巍然座擁皋比温到處聲名山斗尊
自媿才輪游

博士也曾立雪到程門

題詞

讀種蕉聽雨軒詩集奉懷

子周夫子

受業高密任祖瀾

羅徧人間寶誰能抵此編平生數知己翰墨總前
緣交誼聯三世索居垂十年鬢從憂患白貧自宦
遊先身世縱相困文章自可傳律嚴綺語盡鉢付
後昆賢高隱陶彭澤清癯賈閻仙春風何日坐把
卷且流連

種蕉聽雨軒詩鈔

卷六

歸田草題詞

丙午九月二十九日任紫溟吏部郵筒寄到聽
雨軒詩序并題辭二首開緘之日卽先君易
簣之時差此半刻光陰不能一睹爲快曷不幸
一至於此耶丁未春乃錄付手民補入集中與
吏部文字淵源可見梗槩

男瑜祖仁謹識

子周先生吾鄉詩宗也自先生仙去風雅寂矣
今詒嗣笛樓以詩集全冊寄贈開卷李讀愴
然興感因題五言二十韻略誌巔末抒懷舊
之蓄念發思古之幽情並質之

笛樓世臺儻不以迂腐見嗤更便墻下芝蘭
勿忘世業以繼先生之志則尤迂腐人所深
祝也

同邑張叔鶴少荀

種菴聽雨新詩錄

卷六

歸田草

題詞

一

寄到琳琅冊披吟意惘然芝蘭欽後嗣桑梓失前
賢早歲文名顯中年教澤傳陰繁壇外杏花吐幕
中蓮北固先司鐸南宮繼著鞭奔波憐宦海飲水
戒貪泉甌浦三冬雪齊州九點煙官階同栗里時
局感桑田冠挂陶宏景書搜葛稚川櫪惟甘驥伏
木不羨鶯遷宦業終三載鄉居近十年傳家無長
物訓子有遺編翰墨硯心地煙霞養性天騷壇稱
巨擘佛錄憶隨肩

先生與問船石驥兩
先兄爲同年至交

自結三生

契偏慳一面緣先生家居數年未得一識荆州至今為憾事題詞慙狗

尾集後附拙作四章通懷託魚箋屢以詩札往來因贈詩中有一主平易近人情

已之句許我為真知昔作人間佛先生晚年與世無求每以佛自况

今為天上仙如君真落落令我思縣縣江筆猶留

彩牙琴久斷絃自先生仙去我亦擱筆者數年開編今感舊不覺

涕漣漣

種雀聽雨軒詩鈔 卷六 歸田章 題詞 二

姻翁葛大令逝世詩以哭之 戴官形

近從文字結心知幾度盤桓爲訂詩似我兩人成
莫逆緣何二豎便相欺靈湮渤海頽山岳星伴郎
官黯尾箕痛甚塞幃留一面六年砥勵友兼師

多君綺歲擅科名媿我船如逆水行才藻勿同曹
子建文章老愛庾蘭成窮通有命心能忘道義論
交眼倍明自揣豚兒甘伏驥名場退後贅門生
爲公及門之殿

種舊聽雨軒詩鈔

卷六

歸田草

題詞

一

不信君令作古人蕉窗夜話語猶新八年永斷歸
田草一病先頽未老身樵子暗傷流水曲漁郎愁
問武陵津著書空指楊雲宅木落西風倍愴神
菊天久欲訪東籬夢裏招尋遇亦奇把酒縱談當
世務挑鐙飽讀未編詩家傳墨寶摹蒼頡天遣文
窮老項斯翹首班門挺英匠他人那得覩其皮

題葛子周大令詩集

同里張瑞蔭季哲

擊壤襟懷間白沙寄情枯樹詠棉花文山武子俱
銷歇凍撚銀髭感歲華

中年目擊浙江潮筆底胥靈偶作漉孫子桑麻足
老矣無心東海釣神爚

種蕉聽雨軒詩鈔

卷六

歸田草

題詞一

卷之十

